

SCRIPT OF MORNING GOJRI NEWS BULLETIN 4 FEB 2025

1015HRS

مارنگ گوجری نیوز بولیٹن 4 فوری 2025

یوہ آکاشوائی جموں ہے عبدالرحمن تین خبر سنو۔

RAILWAY MINISTER

ریلوے گا مرکزی وزیر اشونی وشینو نے کل اعلان کیو ہے جے جلد بی کشمیر واسطے ریل گڈیاں غی تجارتی سرگرمیں شروع کی جنگی انبال نے یوہ وی دسیو جے جموں کشمیر مانہہ تمام ریلوے ٹریکس نانہہ بجلی سنگ چلن غے قابل بنا دتو گیو ہے۔ آکاشوائی جموں گا نامہ نگار غے مطابق کل نوین دلی مانہہ ریلوے بھون تین ویڈیو پریس کانفرنس سنگ خطاب کرتا وان ریلوے گا وزیر نے اعلان کیو جے کٹڑہ سرینگر ریلوے لائن واسطے سادہ ضروری جانچ غا مراحل مکمل ہو چکا ہیں تے تجارتی سرگرمیں جلد بی شروع ہو جیگی۔ انبال نے یوہ وی کہیو جے جموں ریلوے سٹیشن ور چل رہیا تعمیر نو کم گا مکمل ہون تین بعد جموں تے سرینگر بشکار برائے راست ریلوے رابطہ یقینی بنایو جے غو۔ وزیر موصوف نے جموں کشمیر مانہہ کلیدی ریلوے ٹھانچہ تے ترقیاتی پروجیکٹاں غا حوالہ سنگ تازہ ترین معلومات فرائم کیں۔ انبال نے مرکزی بجٹ ۲۰۲۵ مانہہ جموں کشمیر واسطے مخصوص ریلوے ترقیاتی منصوبیاں بارے وی تازہ جانکاری دتی ریلوے گا مرکزی وزیر اشونی وشینو نے دسیو جے حکومت نے جموں کشمیر واسطے ۸ سو ۴۴ کروڑ روپیاں غو بجٹ مختص کیو ہے۔ جہیڑو اس گل غی نشاندہی کرے جے حکومت خطہ مانہہ ریلوے ٹھانچہ تے رابطہ نانہہ مزید بہتر بنان بارے پُر عزم ہے۔

HM REVIEW MEETING

مرکزی وزیر داخلہ امت شاہ اج شمالی بلاک مانہہ ایک اعلیٰ سطحی میٹنگ مانہہ جموں کشمیر مانہہ حفاظتی تے ترقیاتی منظر نامہ غو جائیزو لینگا۔ اس میٹنگ مانہہ دو جا شرکاء غے علاوہ لیفٹینٹ گورنر منوج سنہا سیول پولیس تے خفیہ ایجنسیاں غا اعلیٰ افسران و وزارت داخلہ غا اعلیٰ افسران تین نیم فوجی دستان گا سربراہیاں وی شرکت کرینگا۔ آکاشوائی جموں گا نامانگار غے مطابق جموں کشمیر تین اس میٹنگ مانہہ لیفٹینٹ گورنر منوج سنہا چیف سیکرٹری ائل ڈلو ڈائیریکٹر جنرل پولیس نلن پربھاں تے نیم فوجی دستان و خفیہ ایجنسیاں گا اعلیٰ حکام شرکت کرینگا۔ اس میٹنگ غے دوران آن الا مہینا بارے حفاظتی منسوبیاں ور غور کیو جے غو۔ کیونجے کیو نجے برف پھگلن سنگ کنٹرول لائن سنگ جڑتا دراندازی گا رستہ کھلن غو امکان بے جموں کشمیر غا حفاظتی تے ترقیاتی منظر نامہ گے علاوہ دیگر ابم معاملات جس طرح کہ وزیر اعلیٰ غا اختیارات اُن غا قبضہ غا ساتھیاں تے انتظامیہ غا کاروباری قواعد غا حوالہ سنگ حتمی فیصلہ وی زیر بحث آسکیں۔

CM NCC

وزیر اعلیٰ عمر عبداللہ نے کل نیشنل کیڈیٹ کور یعنی این سی سی غا جموں کشمیر ولادخ سنگ تعلق رکھن آلا کیڈیس غی کارکردگی نانہہ سر ابیو ہے تے یوم جمہوریہ غی تقریبات مانہہ ان غی نمایاں شرکت نانہہ اُجاگر کیو جہیڑی کہ نوین دلی غا کرتویہ پتھہ ور منعقد ہوئیں وزیر اعلیٰ نے یہ گل ۵۲۰ غی یوم جمہوریہ تقریبات مانہہ حصو لین آلا جموں کشمیر تے ولادخ غا ۱ سو

۷۲ این سی سی کڈیش واسطے منعقد ایک تصاری پروگرام غیر دوران کی جموں کشمیر غی ایک کیدیٹ لڑکی غی غیر معمولی کامیابی نانہہ اجاگر کرتا وان جس نے پریڈ مانہہ خواتین غی مکمل این سی سی ٹکڑی غی قیادت کی بارے وزیر اعلیٰ نے کہیو جے یاہ کوئی معمولی کامیابی نہیں ہے تے ان غی قیادت مانہہ یوہ دستو عالمی سطح ور نمایاں ہو جہیڑو کہ جموں کشمیر غا نظم وضبط تے اتحاد غا عزم نانہہ ظاہر کرے۔ اُنہاں نے مزید کہیو جے اس لڑکی نے سرف جموں کشمیر غی ۷۱ کڈیش غی قیادت نہیں کی بلکہ پوری قومی خواتین ٹکری غی کمان سنہالی جہیڑی نہ صرف مہارہ ملک بلکہ عالمی سطح ور پوری دنیا غے سامنے فخر سنگ مارچ کر رہی تھیں۔

FOREST MINISTER

ماحولیاتی تحفظ غے نال ہم آپنگ ترقی غی ضرورت ور زور دیتا وان وزیر جنگلات جاوید احمد رانا نے کل سیول سکرٹریٹ جموں مانہہ ایک میٹنگ غے دوران محکمہ جنگلات غی تجاویز تے منصوبہ غو جائیزو لیو۔ جناب رانا نے ایسی موثر حکمت عملیا ور زور دتو جہیڑی معاشی خوشحالی غے نال نال ماحولیاتی خدشات نانہہ مد نظر رکھتا وان پائیدار ترقی غو باعث بنے۔ اقتصادی تے سماجی ترقی غے نال ماحولیاتی تحفظ نانہہ متوازن کرن غا حکومت غا عزم غو اعادہ کرتا وان جناب رانا نے کہیو کہ محکمہ گی تجاویز نانہہ خطہ گا پائیدار ترقی غے مطابق ہونو چاہیے۔ اُنہاں نے پائیدار ترقی نانہہ یقینی بنان واسطے جامع مطالعات تے جائیزان گا انعقاد غی ابمیت ور زور دتو۔ اُنہاں نے مزید کہیو کہ جموں کشمیر غا جنگلات غی ابمیت تے روز گار غا موقع غا مطالعہ کرن غی ضرورت بے تے بے سب چیز محکمہ گی تجاویز مانہہ شامل ہونی چاہیے۔

SAKINA SAMAGRA SHIKSHA

صحت طبی تعلیم تے سماجی بہبود غی وزیر سکینہ اٹھ نے گزشتہ روز سیول سکرٹریٹ جموں مانہہ ایک میٹنگ غی صدارت کی جس مانہہ جموں کشمیر مانہہ سمجھ شکشا مانہہ آئینہ کم گا منصوبہ غی تشکیل غے نال نال مختلف مداخلتاں غی پیش رفت غو جائیزو لیو گیو۔ میٹنگ غے دوران سکینہ اٹھ نے پالیسی غا نفاذ مانہہ مزید شفافیت ور زور دتو اُنہاں نے افسران ور زور دتو کہ منتخب نمائندان ایم ایل اے نانہہ اپنا اپنا حلقات مانہہ کم غا منصوبات مانہہ شامل کریں تاجے عوامی بہبود غی ضروریات غے مطابق کم شروع کیا جاسکیں۔ میٹنگ غے دوران وزیر نے سمجھ شکشا غے تحت مختلف تعلیمی اقدامات غی پیش رفت غو وی جائیزو لیو۔

CS

چیف سیکرٹری اٹھ ٹلو نے کل ایک حدایات جاری کی ہے۔ جے جموں کشمیر غی عوام واسطے ایک بامعنی شکایات پورٹل بنایو جے بل خصوص ان افراد واسطے جہیڑہ مالیاتی اداراں تین قرض حاصل کرن یا خود روز گار گا دیگر ذرائع اختیار کرن مانہہ مشکلات گو سامنو کر رہیا ہیں۔ چیف سیکرٹری موصوف نے یوٹی مانہہ کاروبار بارے آسانی غا صولان نانہہ مدنظر رکھتا وان کہیو بے جے قرض حاصل کرنو کسے وی کاروبار یا صنعتی یونٹ غا قیام غو ایک بنیادی پہلو بے اُنہاں نے کہیو جے اگر بنیادی پہلو ہے اُنہاں نے کہیو جے اگر کوئی ابھرتو کاروباری شخص قرج غا حصول مانہہ کسے قسم غی مشکل غو سامنو کرے تے تاں یاہ اُس غا کاروباری امکانات مانہہ ایک رُکاؤٹ بن سکے۔ اُنہاں نے یوٹی مانہہ کم کر رہیا

مالیاتی اداراں نانہہ ہدایت دتیں ہے وے قرضان گا حاصل کرن گا عمل نانہہ آسان بناویں
تائجے نوجوان اپنی خواہشات نانہہ بدل سکیں۔

IGP

بھیم سین ٹوٹی جہیڑہ کہ ۴۰۰۲ بیچ غا آئی پی ایس ہیں نے سوموار روز جموں زون غا نوان
انسپکٹر جنرل پولیس آئی جی پی غو عہدو سنہال لیو ہے۔ عہدیداراں غے مطابق انہاں
نبادیشنلاً ائریکٹر جنرل پولیس انند جین تے چارج لیو ہے۔ جہیڑا بُن اے ڈی جی پی آرم
پولیس غا طور ور سامنے آیا ہیں۔

NEWS READ BY ABDUL REHMAN
NEWS EDITOR KUNAL SHRIVATSA
SKILLED RAJAT
TECH. ASST. PALLAVI
DEO NUSRAT